



Revizija. Računovodstvo. Finansijski konsalting
Saliha Udžvarlića br. 10 Sarajevo

IZVJEŠTAJ NEZAVISNOG REVIZORA

članovima AMUS-a

Obavili smo reviziju priloženih finansijskih izvještaja Asocijacije kompozitora – muzičkih stvaralaca (AMUS) koji se sastoje od bilansa stanja na dan 31.12.2015. godine, bilansa uspjeha, izvještaja o novčanim tokovima i izvještaja o promjenama na kapitalu za godinu koja je završila na taj dan, te reviziju usklađenosti poslovanja sa važećim zakonskim i drugim relevantnim propisima i zaključenim ugovorima i pregleda značajnih računovodstvenih politika i drugih zabilješki uz finansijske izvještaje.

Odgovornost Uprave

Uprava AMUS-a je odgovorna za vođenje knjigovodstvene evidencije u skladu sa Međunarodnim standardima finansijskog izvještavanja i za one interne kontrole za koje Uprava odredi da su potrebne za omogućavanje sastavljanja finansijskih izvještaja koji ne sadrže značajno pogrešno prikazivanje usljed prevare ili pogreške.

Odgovornost revizora

Naša odgovornost je izraziti mišljenje o priloženim finansijskim izvještajima na osnovu revizije koju smo obavili. Reviziju smo obavili u skladu sa Međunarodnim revizijskim standardima. Ti standardi zahtijevaju da postupamo u skladu sa etičkim standardima i planiramo, te obavimo reviziju na način da steknemo razumno uvjerenje o tome jesu li finansijski izvještaji bez značajnog pogrešnog prikazivanja. Revizija uključuje obavljanje procedura radi dobijanja revizijskih dokaza o iznosima i objavama u finansijskim izvještajima. Odabrane procedure zavise od revizorove prosudbe, kao i od procjene rizika značajnog pogrešnog prikazivanja finansijskih izvještaja usljed prevare ili pogreške. Za potrebe procjene rizika, revizor razmatra interne kontrole koje su relevantne za sastavljanje i fer prezentaciju finansijskih izvještaja AMUS-a u svrhu određivanja revizorskih procedura u datim okolnostima, ali ne i u svrhu davanja mišljenja o funkcionisanju internih kontrola. Revizija također uključuje ocjenjivanje adekvatnosti primijenjenih računovodstvenih politika i razumnosti računovodstvenih procjena Uprave, kao i ocjenu sveukupne prezentacije finansijskih izvještaja. Vjerujemo da su revizijski dokazi koje smo pribavili dovoljni i adekvatni da osiguraju osnovu za izražavanje našeg mišljenja

AMUS Sarajevo
Revizija finansijskih izvještaja za 2015. godinu

Mišljenje o finansijskim izvještajima AMUS

Prema našem mišljenju, finansijski izvještaji AMUS-a predstavljaju istinito, u svim značajnim aspektima, finansijski položaj AMUS-a na dan 31.12.2015. godine, rezultat poslovanja, promjene u kapitalu i novčani tok za period od 01.01. do 31.12.2015. godine, u skladu sa Međunarodnim standardima finansijskog izvještavanja.

Mišljenje o finansijskom poslovanju AMUS

Odlukom Upravnog odbora AMUS br. O-06/03-14 od 04.03.2014. godine odobren je bonus stručnoj službi AMUS u iznosu od 3% bruto iznosa koji Upravni odbor odobri za isplatu autorima.

Odlukom Upravnog odbora AMUS br. O-07/02-15 od 02.02.2015. godine stavljena je van snage Odluka Upravnog odbora br. O-06/03-14 od 04.03.2014. godine, u skladu sa mišljenjem Instituta za intelektualno vlasništvo.

Pozivajući se na Odluku Upravnog odbora br. O-06/03-14 od 04.03.2014. godine, a bez uzimanja u obzir Odluke Upravnog odbora br. O-07/02-15 od 02.02.2015. godine, direktor stručne službe AMUS-a Mirza Hajrić donosi Odluku br. GD/15 od 14.10.2015. godine o isplati bonusa uposlenicima stručne službe AMUS u ukupnom iznosu od 68.000 KM.

Prema našem mišljenju, osim za efekte događaja opisanog u prethodnim stavovima, finansijsko poslovanje AMUS tokom 2015. godine je, u svim značajnim aspektima, usklađeno sa Zakonom o kolektivnom ostvarivanju autorskog i srodnih prava, aktima AMUS-a i zaključenim ugovorima.

Pozivajući se na Odluku Upravnog odbora AMUS br. O-07/02-15 od 02.02.2015. godine i uzimajući u obzir odredbu člana 210. Zakona o obligacionim odnosima („sticanje bez osnova“), direktor AMUS Lejla Trnčić (od 15.12.2015. godine kao vršilac dužnosti, a od 05.01.2016. godine na mandatni period od 5 godina) nalaže knjigovodstvu AMUS evidentiranje potraživanja za neosnovano isplaćeni bonus u iznosu od 68.000 KM, od čega se 23.000 KM potražuje od Mirze Hajrića (direktor AMUS do 15.12.2015. godine), dok se 45.000 KM potražuje od zaposlenika AMUS.

RECONS d.o.o. Sarajevo

Nedžad Grcić, direktor

Ovlašteni revizori

Damir Nurkić, broj licence: 3090029129

Enver Beganović, broj licence: 3030162105

Sarajevo, 20.05.2016. godine